



MUTAAH DAN PERLAKSANAANNYA
DI DALAM MAHKAMAH SYARIAH
WILAYAH PERSEKUTUAN

OLEH
MASHADI BIN SALAMON

SESI
1985/1986

KURSUS DIPLOMA UNDANG-UNDANG DAN
PENTADBIRAN KEHAKIMAN ISLAM

KULIAH UNDANG-UNDANG
UNIVERSITI ISLAM ANTARABANGSA
MALAYSIA

PENGHARGAAN

بِسْمِ اللَّهِ الرَّحْمَنِ الرَّحِيمِ

Sepala puji-pujian bagi Allah Selamat dan Salam keatas gunjungan Nabi M.,hammad S.A.W. Dengan taufik dan hidayah carikud Allah S.W.T. maka dapatlah penulis menyediakan keatas projek yang serba ringkas ini sebagai memenuhi syarat untuk mendapat diploma Undang-Undang dan Pentadbiran Kehakiman Islam.

Ucapan terima kasih saya tujukan kepada pihak Universiti Islam antarabangsa yang telah menyahut kehendak Kerajaan untuk melaksanakan Program Kursus seperti ini yang julung kali diadakan di Malaysia.

Ucapan penghargaan yang khusus saya tujukan kepada sekalian yang bertanggungjawab dikuliah Undang-Undang serta tenaga pengajarnya yang bertungkus lumus memberi bimbingan, panduan dan tunjuk ajar, lebih-lebih lagi kepada yang berbahagia Tuan Ustaz Abdullah bin Abu Bakar yang menjadi Penyelia saya didalam Penyediaan Kertas Projek ini.

Sekian wassalam.

PERSEMBAHAN

بِسْمِ اللَّهِ الرَّحْمَنِ الرَّحِيمِ

الحمد لله رب العالمين ، والصلاة والسلام على من لا نبي بعده ، وآلته الطيبين الطاهرين ، الأئمة
 والمرسلين ، سيدنا محمد وعلى وآله وصحبه وسلم ، أما بعد ، فإننا نأيد
 وتابع التابعين ، والتابعين لهم باحسان إلى يوم الدين ، وبعد :

Kertas projek ini disediakan, adalah bertujuan memenuhi syarat yang telah ditetapkan oleh Kuliah undang-undang Universiti Islam Antarabangsa bagi mendapat Diploma Undang-Undang dan Pentadbiran Kehakiman Islam.

Dalam usaha mendedahkan sedikit sebanyak rahsia hukum dan hikmah mutaaḥ penulis telah membuat kajian dengan berpanduan kepada Al-Quran dan Hadith serta kitab-kitab fiqh karangan Ulama yang muḥtabar dan Enakmen Pentadbiran Hukum Syarak Wilayah Persekutuan 1974.

Dalam menghuraiakan kertas projek ini, penulis telah memberi penekanan berhubung dengan mutaaḥ mengikut lunas-lunas Islam dan kajian tuntutan mutaaḥ dalam Mahkamah Syariah Wilayah Persekutuan dengan sedemikian memudahkan kepada penulis membuat analisa berdasarkan kepada kajian yang diterangkan dalam bab-bab berikut:-

Bab Pertama

Menyandungi pengertian umum mutaaḥ, taarif mutaaḥ dari segi bahasa, mutaaḥ dari segi istilah, dalil Al-Quran sebab wajib dalil daripada Hadith, pendapat imam Shafie tujuan wajib pendapat mazahab-mazahaf fiqh, pendapat mazahab Hanifah, pendapat Shafie, pendapat penulis.

Bab Kedua

Dinyatakan bidang kuasa enakmen Pentadbiran Hukum Syarak Wilayah Persekutuan 1974, kuasa-kuasa Mahkamah dan Kuasa Kadi Besar, Kuasa Mahkamah Kadi, pendapat penulis, masa tuntutan dibuat, tuntutan terus ke Mahkamah, tuntutan melalui wakil (Peguan), tuntutan persendirian catitan gulung kes pihak yang terlibat perceraian selepas per-

setubuhan, pendapat penulis contoh kes persetujuan pendapat penulis, keadaan yang dapat mutaah, pendapat Mazahab Hanafiah, pendapat setengah Mazahab Hanafi, pehak laki-laki perangkaan, geraf kes Mal Mahkamah Kadi Besar contoh perbicaraan secara langsung.

Bab Ketiga

Dinyatakan dasar mutaah, asas perselisihan pendapat ulamak pada mutaah, pendapat mazahab Hanafiah, pendapat Mazahab Shafie, pendapat Imam Malek, pendapat Imam Ali dan Said bin Jabir dan Juhri dan Mutaadah contoh kes,

Bab Keempat

Halangan pelaksanaan, pendapat penulis tanggungjawab isteri, tanggungjawab suami kelancaran pelaksanaan contoh-contoh kes dan ulasan, tugas-tugas Mahkamah,

Kesimpulan dan cadangan untuk Mahkamah Syariah Wilayah Persekutuan. Semuga penulisan yang tidak seberapa ini dapat diberkati oleh Allah Subhanahu Wataala Amin.

	<u>ISI KANDUNGAN</u>	<u>MUKA SURAT</u>
Penghargaan	:.....	i
Pendahuluan	:.....	ii - iii
Isi Kandungan	:.....	iv - v
 <u>BAB PERTAMA</u>		
Pengertian Umum.....		1 - 3
Takrif mutaah segi bahasa.....		4
Mutaah dari segi Istilah.....		4
Dalil Al-Quran.....		5 - 6
Sebab wajib.....		6 - 7
Hadith.....		7 - 8
Pendapat Imam Shafie.....		8
Tujuan wajib.....		9
Pendapat Mazahab Fiqh.....		10
Pendapat Mazahab Hanafiah.....		10 - 12
Pendapat Mazhab Shafieyah.....		12 - 13
Pendapat penulis.....		13
 <u>BAB KEDUA</u>		
Enekmn Pentadbiran Hukum Syarak Wilayah		
Persekutuan.....		13 - 14
Kuasa Mahkamah dan Kuasa Kadi Besar.....		14 - 15
Kuasa Mahkamah Kadi.....		15 - 16
Pendapat Penulis.....		16 - 17
Masa tuntutan dibuat.....		17
Tuntutan terus ke Mahkamah.....		17 - 18
Tuntutan melalui Wakil (Peguan).....		18 - 19
Tuntutan bersendirian.....		19 - 20
Catitan.....		20
Gulung kes.....		20
Pihak yang terlibat.....		21
Perceraian selepas bersetubuh.....		22
Pendapat penulis.....		22 - 23
Contoh kes persetujuan.....		24 - 27
Pendapat Penulis.....		27

ISI KANDUNGANMUKA SURAT

Keadaan yang dapat mutaah.....	28
Pendapat Mazahab Hanafiah.....	28 - 29
Pendapat Setengah Mazahab Hanafi.....	29 - 30
Pendapat Hanafiah.....	30 - 32
Pihak lelaki.....	33 - 34
Perangkaan.....	34
Graf.....	35
Contoh kes perbicaraan secara langsung.....	36 - 41
 <u>BAB KETIGA</u>	
Dasar mutaah.....	42
Asas perselisihan pendapat ulamak.....	42
Pendapat Mazahab Hanafiah.....	42 - 43
Pendapat Mazahab Shafie.....	43 - 45
Pendapat Imam Malek.....	45 - 46
Pendapat Imam Ali dan lain-lain.....	46 - 47
Contoh kes.....	48 - 59
 <u>BAB KEEMPAT</u>	
Halangan pelaksanaan.....	60
Pendapat Penulis.....	61
Tanggungjawab isteri.....	62 - 63
Tanggungjawab suami.....	63 - 64
Kelancaran Pelaksanaan.....	65
Contoh Kes.....	66 - 81
Pendapat Penulis.....	82
Contoh kes.....	83 - 92
Ulasan Penulis.....	93
Contoh kes.....	94 - 101
Ulasan Penulis.....	102
Tugas Mahkamah.....	103 - 104
Kesimpulan dan cadangan.....	105
Penutup.....	105
Bahan-bahan rujukan.....	106 - 108

"MUTA'AH"

Pengertian Umum

Mutaah ialah perkataan berasal daripada Arab iaitu "MATAE" atau "MATTAE", yang bermaksud sesuatu benda yang dimunafatkan atau sesuatu perbuatan yang mendatangkan keseronokan atau sesuatu pemberian suami yang menceraikan isterinya. (1)

Bertolak daripada maksud Bahasa Arab ini dapatlah difahamkan bahawa mutaah itu adalah satu pemberian yang dianjurkan oleh Agama Islam bagi menjaga kepentingan dan hak perempuan-perempuan yang diceraikan oleh suami-suami.

Dengan bercerai satu-satu pasangan maka akan berlakulah perpecahan didalam masyarakat Islam. Oleh itu Islam menggalakkan kepada suami yang menceraikan isterinya agar memberikan cenderamata bagi meredakan hati isteri yang diceraikan, demi mengelakkan daripada permusuhan dan perpecahan dalam Islam. (2)

Dengan adanya pemberian itu juga dapatlah menjauhkan daripada sangkaan buruk masyarakat terhadap isteri-isteri yang diceraikan, yang mana setiap perceraian adalah disebabkan berlakunya peribadi seseorang yang tidak baik. Tetapi dengan adanya mutaah itu dapatlah digambarkan bahawa berlakunya perceraian bukan kerana peribadi yang tidak baik atau akhlak yang buruk, tetapi disebabkan sudah habis. Yang demikian sangkaan masyarakat terhadap bekas isteri dan keluarga perempuan tidak tercemar. Nama perempuan yang diceraikan itu didapati masih bersih, mudah-mudahan dengan cara demikian akan cepat bertemu jodoh. (3)

.....2/-

(1) Luis makluf "Al Munjid Filluggah Wal adab" citakan

Al Kasulikiah Bairut Lubnan th 1956 halaman 745.

(2) Ahmad Mustafa Al Maghari "Tafsir Al Maghari" Citakan Mustafa

Al Babi Al Halabi" Mesir Citakan 5 th.1394/1974 Juzuk 2 halaman 197

(3) Ibid halaman 197.

Andaikata berlakunya sesuatu perceraian tanpa diiringi dengan satu-satu pemberian oleh bekas suami maka masyarakat akan menganggap bahawa perempuan yang diceraikan itu adalah perempuan yang tidak baik dan buruk akhlaknya. Sebab itulah Islam menggalakan umat-umatnya supaya menutup keaiban sesama Islam. Sebagaimana Sabda Rasulullah S.A.W.

(1) *ومن ستر سرّاً لا ستر الله في الدنيا والآخرة*

Yang bermaksud "Barang siapa menutup keaiban saudara yang Islam, Allah akan menutup keaibannya didunia dan diakhirat."

Dengan keterangan hadis yang dibawa oleh Rasulullah ini amatlah berpadanan dengan kehendak dalam kitab fekah yang mengadakan iaitu dengan memberi saguhati terhadap isteri yang diceraikan. Dengan cara demikian ikatan persaudaraan dalam Islam dapat dikekalkan dengan hormat menghormati diantara satu sama lain tanpa ujud kebencian dan permusuhan.

Rasulullah S.A.W. telah bersabda:

(2) *من سار سار الله ومن شاق مسلماً شق الله عليه. أخرجه أبو داود والترمذی*

Hadis ini memberi erti "Siapa-siapa yang memudaratkan saudaranya yang Muslim, nescaya Allah S.W.T. membalas dengan memberi kemudaratan jua, dan siapa-siapa yang menyusahkan saudaranya dari orang-orang Islam bahawa Allah juga akan menyusahkannya."

....3/-

-
- (1) Al Syid Al Imam M^Uhammad bin Ismail Al Kahlani "Subul Al Salam" Citakan M^Ustafa Al Babi Al Halabi Mesir juzuk 4 th.1970 M/1379 H halaman 168
- (2) Ibid halaman 198.

Dengan ketegasan hadis ini dapatlah dimengertikan bahawa tidak harus bagi sesaorang Islam melakukan permusuhan dan perpecahan dikalangan umat Muhammad S.A.W. walaupun ada berlaku perceraian tetapi perkara itu adalah perkara yang diharuskan oleh syarak untuk berpisah dengan syarat perpisahan itu diaturkan dengan cara yang baik dan mengikut undang-undang dan ajaran Islam yang betul. Memang tidak dapat dinafikan bahawa pahit dijiwa mereka-mereka yang terbabit.

Walau pun perceraian itu harus daripada segi hukum syarak tetapi ia sangat-sangat dibenci Allah S.W.T. sebagaimana Rasulullah pernah bersabda:

(1) *الْبَغْضُ الْحَلَالُ إِلَى اللَّهِ الطَّلَاقُ*

Yang membawa erti, "Perkara yang halal yang dibenci oleh Allah S.W.T. ialah Al Talak". Berdasarkan daripada hadis ini dapatlah penulis mengambil kesimpulan bahawa mutaah itu adalah sangat-sangat digalakkan oleh Allah S.W.T. kerana ia merupakan sebagai saguhati kepada perempuan-perempuan yang telah diceraikan, juga meredakan keadaan pahit dan sedih, bila seseorang isteri telah diceraikan oleh suaminya. Dengan adanya saguhati itu dapatlah meringankan beban yang ditanggung oleh bekas isteri juga melembutkan hati daripada tekanan jiwa dalam menghadapi suasana perceraian, kerana mutaah itu adalah ajaran Islam yang sebenar.

Sebagaimana firman Allah S.W.T.

(2) *وَيَتَمَوَّنَ عَلَى الْمَوْسِعِ قَدْرَهُ*

Ayat ini memberi erti: "Bahawasanya kehidupan didunia ini adalah kebendaan atau keseronokan yang palsu".

....4/-

(1) Muhammad bin Ismail. halaman 168.

(2) Surah Al Baqarah ayat 236.

TAARIF MUTAAH PADA SEGI BAHASA

Mutaah pada segi bahasa ialah barang yang bersedap-sedap dengannya, atau barang yang memberi munafaat dengannya. Munafaat yang sedikit yang tidak kekal, bahkan akan luput dalam sedikit masa. (1)

Bertepatanlah dengan firman Allah S.W.T.

(2) انما الحياة الدنيا متاع الغرور

Ayat ini memberi erti: "Bahawasanya kehidupan di dunia ini adalah kebendaan atau keseronokan yang palsu".

Mutaah pada segi istilah ialah barang yang diterima oleh perempuan setelah diceraikan dia seperti pakaian dan seumpamanya. Sebab dinamakan demikian kerana perempuan yang diceraikan itu bersedap-sedap dengan penerimaannya itu. (3)

Sesuatu barang yang diberi oleh suami kepada isterinya setelah bercerai antara keduanya daripada pakaian dan sebagainya. (4)

Berdasarkan kepada taarif yang tersebut dapatlah difaham bahawa pemberian itu bukanlah berkekalan, tetapi hanya sekadar menolong ketika berlakunya perceraian bagi mengurangkan beban yang menimpa keatas isteri-isteri yang telah diceraikan. Memang tidak dapat dinafikan bahawa perceraian adalah merupakan satu peristiwa yang paling pahit dalam sejarah hidup berumahtangga. Kerana peristiwa itu amat susah hendak dilupakan. Perkara ini bukan sahaja mendatangkan kesan kepada diri yang bercerai tetapi melibatkan juga nama baik keluarga kedua belah pihak.

Dengan adanya pemberian itu dapatlah mengurangkan beban yang ditanggung oleh isteri yang dicerai untuk dijadikan bekalan pada masa yang tertentu. Perpisahan atau perceraian tanpa sebarang pemberian akan menambahkan lagi kepedihan terhadap isteri yang diceraikan.

.....
....5/-

-
- (1) Omar bin Abdullah "Al Ahkam Al Syariah Al Islamiah Fil Ahwal Al Shahsiah " citakan Dar Al Maarif Mesir th.1961 halaman 291
 - (2) Surah Al Imran ayat 185
 - (3) Op.Cit halaman 291
 - (4) Muhammad Salam Madkur "Alkam Al Usrah Fil Islam" Citakan Dari Al nahdah Al Aribiah" Kahirah Mesir, th.1389/1969 halaman 304.

DALIL DARI AL-QURAN

لا جناح عليكم ان تطلقن النساء ما لم تموهن او تفرضوا
لهن فريضة ومنوهن على الوصح قدره وعلى المفتر
قدره متاعا بالمعروف حقا على الحنين
(1)

Ayat diatas membawa maksud, "Tidaklah berdosa diatas kamu sekiranya kamu menceraikan isteri-isteri kamu, walaupun kamu belum menyentuhnya lagi ataupun kamu belum menentukan baginya mahar. Tetapi hendaklah kamu memberinya satu pemberian yang patut mengikut kadar yang bersesuaian dengan kedudukannya. Sesungguhnya itu adalah satu perbuatan yang mulia ke atas orang yang suka membuat kebaikan".

Berdasarkan ayat tersebut dapatlah difahamkan bahawa berlakunya perceraian itu adalah harus disegi Agama Islam, asalkan ianya melalui saluran tertentu yang telah digariskan oleh hukum syarak.

Seperti seorang perempuan yang telah dicerai tidak disebutkan maharnya sewaktu akad nikah maka bekas suami diwajibkan membayar mahar misil. Manakala mereka yang menceraikan isteri yang menyebutkan maharnya sewaktu akad nikah dikehendaki bekas suaminya itu membayar mahar yang telah disebutkan.

Bertolak daripada dua masalah yang tersebut bertujuan meringankan beban yang ditanggung oleh pihak perempuan, maka penetapan ini telah ditentukan oleh syarak dengan mewajibkan memberi mutaah kepada perempuan yang dicerai.

Hikmat mewajibkan mutaah ini adalah merupakan satu ujian ataupun dugaan bagi perempuan yang dicerai kerana ia mendatangkan kesan yang tidak baik dan menjadi sangkaan buruk masyarakat terhadapnya, kerana seorang suami tidak akan menceraikan isterinya kecuali didapati akhlak isterinya tidak baik.

....6/-

(1) Surah Al-Baqarah ayat 236.

Dengan pemberian mutaah itu juga akan menghilangkan sangkaan buruk masyarakat terhadap perempuan yang telah dicerai kerana perceraian itu datang dari pihak lelaki. Dengan demikian dapatlah perempuan itu menebus nama baiknya.

Walaupun berlakunya perceraian, bekas suami tetap mengakui kebaikan bekas isterinya dengan memberi satu pemberian yang munasabah bagi meringankan beban yang ditanggung oleh bekas isterinya. (1)

SEBAB WAJIB

Firman Allah S.W.T.

لا جناح عليكم ان طلقتم النساء ما لم تمسوهن او تفرضوا لهن
فريضة، ومنعوهن على الموسع قدره وعلى المقتر قدره
متاعا بالمصروف حقا على المحسنين .
وان طلقتموهن من قبل ان تمسوهن وقد فرضتم لهن
فريضة فنصف ما فرضتم الا ان يصفون او يصفوا الذي
بيده حفرة النكاح وان تعفوا اخرب للتقوى ولا تنسوا الفضل
بينكم ان الله بما تعملون بصير .

(2)

Ayat ini diturunkan sempena terajidi seorang lelaki keturunan Ansar yang telah berkahwin dengan seorang perempuan yang tidak disebutkan maharnya waktu akad nikah. Kemudian lelaki itu menceraikan isterinya sebelum disetubuhi maka turunlah ayat ini.

لا جناح عليكم ان طلقتم النساء

Ayat ini memberi erti "Tidak berdosa atas kamu jika kamu mentalak isteri-isteri mu."

....7/-

(1) Dr.M⁰hd. Hijazi " Tafsir Wadhah citakan Istiklal Kubra Mesir tahun 1972/1392 juzuk 2 halaman 66

(2) Al-Quran surah Al-Baqarah ayat 236/237.

Juzuk 2, halaman 66

Dan kamu belum menyentuh juga kamu belum menentukan bagi mereka suatu ketetapan mas kahwin. Tetapi berilah mutaah kepada mereka atas orang kaya menurut kadarnya dan atas orang yang miskin menurut kadarnya. Pemberian menurut maarof sebagai satu hak yang wajib dipenuhi atas segala orang yang berbuat ihsan. (1)

Daripada Al-Hadis:

عن عائشة رضي الله عنها ان عمرة بنت الجون تزوت من رسول الله صلى الله عليه وسلم حين ادخلت يميني لما تزوجها فقال:
لقد عدت بماذا فطلقها وامر ايامه بمنعها بثلاثة
الذواب. أخرجه ابن ماجه .

(2)

Diriwayatkan daripada Aishah R.A. bahawa 'Amarah binti Al-Jauni telah memohon perlindungan daripada Rasulullah S.A.W. ketika berjumpa dengannya (manakala mengahwininya) maka berkata Rasulullah S.A.W. : "Sesungguhnya engkau memohon perlindungan dari orang yang melindungi mu". Selepas berkata-kata lalu Rasulullah pun menggugurkannya dengan talak. Dan menyuruh Usamah memberi mutaah dengan tiga pasang baju.

Hadith ini menjadi dalil atas wajibnya mutaah. Kerana mengikut umum hadis ini bahawa setiap perceraian walaupun belum berlaku persetujuan antara keduanya tidaklah menjadi penghalang dari menerima mutaah. Jika ia menjadi halangan maka Umarah binti Al Juana itu sepatutnya tidak mendapat mutaah, tetapi ia diberi juga mutaah. Ini menjadi dalil bahawa tiap-tiap perceraian itu wajib diberi mutaah. Jika tidak wajib maka sudah tentu Rasulullah S.A.W. tidak memberi mutaah kepada Umarah.

....8/-

- A
-
- (1) Dr.Mohd.Hijazi, Juzuk 2, halaman 66
 - (2) Al-Syid Al Imam Muhammad bin Ismail Al Kahlani
Juzuk 3, halaman 152.

(2) Muhammad bin Ismail

(3) Muhammad bin Ismail

حدثنا قتيبة بن سعيد حدثنا سفيان بن عمرو عن
 سعد بن جبير عن ابن عمر .. ان النبي صلى الله عليه وسلم
 قال للمتلا عنين احابلما على الله احدكما كاذب لا سبيل
 لك عليهما ، قال : يا رسول الله ، مالي ، قال : لا مال لك ؛
 ان كنت صدقت عليهما فهو بما استعملت من فرجهما ، وان كنت
 كذبت عليهما فذاك ابعده ، وابعده لك منها . (1)

Yang bermaksud: Sesungguhnya Rasulullah S.A.W. bersabda kepada dua orang yang berlian adakah kedua kamu menganggap bahawa dosa kamu ditanggung oleh Allah S.W.T. sedangkan salah seorang daripada kamu adalah pembohong. Tidak ada jalan bagi kamu keatasnya (perempuan) berkata suami Ya Rasulullah harta ku : Bersabda Rasulullah S.A.W. Tiada harta bagimu jika kamu telah memberi mahar kepadanya, maka pemberian itu adalah menepati sebagai penghalal bagi farajnya. Dan jika kamu berbohong kepadanya maka pembohongan itu telah menjauhkan kamu. Dan lebih jauh kamu daripadanya.

SEBAB-SEBAB WAJIB

Pandangan Imam As Shafie.

يرى الشافعية ، انها تجب لكل مطلقه ولم يستثن من ذلك
 (2) الا من طلقت قبل الدخول واستحقت نصف المهر فعلا اما
 من عداها فانها تجب لها المنه عنده .

Wajib mutaah bagi tiap-tiap perceraian samada perceraian itu selepas bersatu atau belum bersatu dengan syarat tidak ditentukan didalam akad nikah mas kahwinnya. Berdasarkan wajib mutaah itu mengikut Nas Al-Kitab.

(3)

وللمطلقات متاع بالمعروف

Dan perceraian itu samada sebab dari pihak suami atau sebab perceraian itu dari pihak isteri, kerana ayat itu menekankan mutaah bukan kerana sebab perceraian yang berlaku.

....9/-

-
- (1) Al Imam Abi Abdullah Muhammad bin Ismail Al Bari, Fat hul Bari citakan Al Salafiah Mesir tahun 773-852 H. Juzuk 9 halaman 496.
 - (2) Muhammad Salam Kadkur, halaman 304
 - (3) Surah Al Talak ayat 20.

TUJUAN WAJIB

Tujuan mewajibkan mutaah adalah untuk meringankan beban yang dialami oleh orang yang kena cerai secara maknawi dan tekanan perasaan yang ditanggung oleh perempuan yang dicerai serta nama baik mereka tercemar disebabkan perceraian yang berlaku. Sebab itulah Allah S.W.T. memerintahkan supaya memberi mutaah kepada mereka yang dicerai. Dengan adanya mutaah itu dapatlah mengurangkan beban yang menimpa mereka.

وتجب المنعة للزوجة على زوجها اذا فارقتا بسبب
من جهته قبل الدخول وقبل الخلوة في زواج صحيح
لم يسبقه المهر تسمية صحيحة سواء اكانت الفرقة
طلاقا او فسما. وتصل هذه الحالة صورتين :-

١ - الحالات التي تجب فيها مهر المثل بالمقدمات لم
يسم مهر في العقد اهلا . او يسمى تسمية غير
صحيحة او نفى فيه المهر .

٢ - اذا لم يذكر في العقد مهر . ثم فرض بعد العقد
بتراحي الطرفين . بقضاء القاضي . (١)

....10/-

(1) Omar Abdullah halaman 291.

Diwajibkan mutaah keatas suami kepada isterinya apabila berlaku perceraian yang disebabkan oleh suami, walaupun sebelum disetubuhi dan belum dicampuri pada perkahwinan yang sah. Dengan tidak disebut mahar sewaktu akad nikah. Samada perceraian itu dengan talak atau pun dengan fasakh. Hal ini merangkumi dua keadaan.

1. Wajib membayar mahar misil sewaktu akad nikah tidak yang tidak disebutkan pada mulanya mahar ketika akad nikah. Ataupun disebut tetapi tidak terang atau nyata atau menidakkan membayar mahar.
2. Tidak disebut mahar ketika akad nikah, kemudian menentukan selepas akad nikah dengan persetujuan kedua belah pihak atau dengan perintah daripada Kadi.

Pendapat Mazahib Mazahib Fekah.

Pendapat Mazhab Al-Hanafiah

يؤى الخنفيه انها واجبة اذا حدثت الفرقة بسبب
من قبل الزوج قبل الدخول او الخلوة وكانا لم يسما
مهر او سما نسمة غير صحيحة يدك على وجوبها
عندهم في هذه الحال القيد الوارد في القران :
ما لم تموهن او تفرضوا لهن فريضة ومتعوهن
على المراسع قدره وعلى المقتر قدره متاعا بالمعروف
حقا على الحسيني حقا على المتقين .
فقد اُخذوا الوجوب من الامر به الذي ولت القرينة
على اُخارته الوجوب وهي قوله تعالى : حقا على المتقين .
وقوله تعالى : حقا على الحسيني

وحرصوا الوجوب بالحالة المذكورة أفيد من محوم التنفيذ
بعدم المس فسهل عدم الدخول الحقيقي والحكمي
كما قصروه على من لم يفرض لها مهر من القيد الصريح
في ذلك كما استنادوا من قوله تعالى « ان طلقتم »
ان ذلك حاصر بما اذا كان الطلاق من جانبها ، وقالوا
ان المتعة في هذه الحال تقوم بمقام نصف المهر وهو
واجب ، فتكون المتعة ضرا واجبه ، اما فيما عدا ذلك
فقالوا انها مستبحة لكل مطلقه ، وما ذهب اليه الحنفية
هو من ذهب احمد . (1)

Mutaah wajib dibayar apabila berlaku perceraian yang di-
sebabkan oleh suami. Walaupun belum bersetubuh atau bercampur
dan mahar kedua-dua itu tidak disebutkan di dalam akad nikah pun
tidak terang. Semuanya ini menunjukkan wajibnya mutaah disisi
Imam Hanafi. Untuk memperjelaskan ini dirangkaikan ayat.

« ما لم تنكحوهن او تعرضوهن للرهن فريضة حقا على المتقين »

Dalil wajib mutaah ini diambil daripada potongan ayat

.....12/- « حقا على المتقين »

(1) Muhammad Salam Madkur, halaman 305.

dan ayat **حَقَّ عَلَى الْمُحْسِنِينَ**. Penentuan hukum wajib mut'ah ini adalah mengikut umum ayat ini tanpa sentuhan maka tiadalah berlaku persetubuhan. Begitu juga mengikut kaid yang jelas jika tidak ditentukan mahar sebagaimana firman Allah S.W.T.

ان طلقتم
Ini adalah khas jika talak itu berlaku disebabkan oleh suami. Selain daripada itu mut'ah adalah sunat bagi seriap perceraian. Begitu juga mengikut pendapat Imam Ahmad bin Hambal.

Pendapat Mazhab Al-Shafiah:-

يرى الشافعية انها تجب لكل مطلقه ، ولم يستثن من ذلك
الا من طلقت قبل الدخول واستحقت نصف المهر فعلا اما
من عداها فانها تجب لها النصف عنده .
سواء كان الطلاق بعد الدخول او قبله ولم يسم لها مهر
واخذوا هذا من محرم قوله تعالى في المطلقات ..
« والمطلقات متاع بالمعروف » فالنصف شامل
لكل مطلقه سواء كان بسبب من جهته الزوج
او من جهتها اما من طلقت قبل الدخول وكان قد
سمى لها مهر واستحقت نصفه فانهم اخرجوها من
محرم النصف اذ ان آية « ان طلقتم النساء ما لم تحوهن
او تغرضوا لهن غريفة » حصت من طلقت قبل ان يمسها
زوجها وكان لم يغرض لها مهر بوجوب النصف . (1)

....13/-

(1) Muhammad Salam Madkur, halaman 305.

Pendapat As-Shafiah mengatakan mutaah adalah wajib bagi setiap perceraian. Tidak ada pengecualian. Melainkan perceraian yang berlaku sebelum persetubuhan. Maka ia berhak separuh mahar. Selain daripada itu mana-mana isteri yang diceraikan berhak menerima mutaah, samada talak selepas persetubuhan atau sebelumnya. Dan tidak disebut maharnya. Berdasarkan firman Allah S.J.T. pada perceraian".

والمطلقات يتبعن بالمعروف

Nas ayat ini merangkumi bagi semua perceraian samada disebabkan oleh suami atau pun disebabkan oleh isteri. Adapun perceraian yang berlaku sebelum persetubuhan dan disebutkan maharnya maka isteri berhak menerima separuh daripada maharnya. Ini berdasarkan daripada umum ayat:

ان مَلَاقِمَ النِّسَاءِ مَالٌ مَّوَصَّلٌ وَتَفْرُضُ مِنَ الْفَرِيضَةِ

Ayat ini ditentukan bagi suami yang menceraikan isterinya sebelum disentuh dan tidak ditentukan maharnya, maka wajiblah pihak suami membayar mutaah.

Pendapat Penulis

Menurut kajian penulis berdasarkan pendapat Mazahib Mazahib tersebut bahawa Mazhab Shafie adalah lebih sesuai dengan keadaan hidup masyarakat Islam di Malaysia. Masyarakat Islam di negara ini telah sehati dengan Mazahab Shafie. Oleh kerana itu mutaah adalah wajib dan kena pada tempat dan keadaan masyarakat di Malaysia. Pelaksanaan mutaah menjamin kedudukan wanita dalam Islam menjadi lebih kuat dan kukuh sebagaimana yang dikehendaki oleh agama Islam yang meletakkan wanita pada tarafnya.

BAB KEDUA

BIDANG KUASA ENAKMEN PENTAOSIRAN HUKUM SYARAK SELANGOR 1952

SEBAGAIMANA YANG DIUBAHSUAI OLEH PERINTAH WILAYAH PERSEKUTUAN 1974

Pada menjalankan kuasa-kuasa yang diberi kepadanya oleh Seksyen (4/6 Akta Perlembagaan (Pindaan) No (2) 1973 Yang Jipertuan Agong dengan ini membuat perintah yang berikut.

Perintah ini bolehlah dinamakan Perintah Wilayah Persekutuan (Penggubahsuaian Enakmen Pentadbiran Hukum Syarak) 1974 dan hendaklah mula berkuatkuasa pada lhb. Februari, 1974.

Didalam Undang-Undang itu termaktub didalam bahagian ketiga Mahkamah Syariah Wilayah Persekutuan, dimana dalam seksyen (43) 1 menyebutkan Duli Yang Maha Mulia Yang Di Pertuan Agong boleh melantik sesiapa yang layak menjadi Kadi Besar Wilayah Persekutuan ini dan demikian juga melantik sesiapa menjadi Kadi bagi kariah-kariah yang ditentukan dan juga boleh menarik balik lantikan itu.

Kuasa-Kuasa Mahkamah dan kuasa Kadi Besar mengikut Seksyen (45).

1. Mahkamah Kadi Besar hendaklah berkuasa didalam seluruh Wilayah Persekutuan dan diketuai oleh Kadi Besar.
2. Tertaluk kepada yang ditentukan didalam undang-undang ini Mahkamah Kadi hendaklah berkuasa diatas perkara Mal atau jenayah atau lain-lain perkara yang disebutkan lepas itu kelak yang timbul daripada hal-hal kuasa yang dibenarkan mengikut yang tersebut didalam fasal yang sudah ataupun jika had-had itu tiada disebutkan di dalam negeri ini dan hendaklah diketuai oleh Kadi yang dilantik baginya.
3. Mahkamah Kadi hendaklah:-
 - A. Didalam kuasa Jenayah apa-apa kesalahan orang Islam dan boleh disiksa dia didalam undang-undang ini dan boleh menjatuhkan hukuman siksa yang ditentukan bagi kesalahan itu.
 - B. Didalam kuasa Mal membicarakan, memutuskan segala perbicaraan itu orang yang beragama Islam yang berkaitan dengan:-
 1. Bertunang-lanang, kahwin cerai, membatalkan akad nikah atau berparak.

2. Memberikan harta benda atau tuntutan diatas harta yang berbangkit daripada perkara yang tersebut diatas pecahan 1.3.
3. Bahagian atau tuntutan kepada harta sepencarian.
4. Nafkah tanggungan anak-anak benar, menjaga atau merumahkan kanak-kanak.
5. Menentukan orang-orang yang boleh mendapatkan bahagian harta pusaka.
6. Wasiat atau pemberian masa hendak mati yang dibuat oleh simati yang beragama Islam.
7. Pemberian yang tiada bersyarat atau penyelesaian yang tiada bersyarat diatas wang tunai atau yang berharga dibuat oleh seseorang yang beragama Islam.
8. Wakaf atau nazar atau
9. Lain perkara kuasa yang telah diberi oleh mana-mana undang-undang.

Tetapi Mahkamah Kadi Besar itu tiada boleh pada lazimnya membicarakan kesalahan jenayah atau membicarakan atau memutuskan apa-apa perbicaraan Mal yang boleh dibicarakan oleh Mahkamah Kadi.

4. Mahkamah Kadi hendaklah:

- A. Didalam kuasa jenayah membicarakan apa-apa kesalahan yang dibuat oleh orang Islam dan boleh dihukum didalam undang-undang ini tetapi setinggi-tinggi hukum yang ditentukan oleh undang-undang atas kesalahan itu ialah tiada lebih tiga bulan penjara atau denda yang tiada lebih daripada \$500.00 atau keduanya dan boleh menjatuhkan hukuman yang demikian itu.
- B. Didalam kuasa Mal, membicarakan dan membuatkan perbicaraan diatas segala perkara yang dikuasakan kepada Mahkamah Kadi Besar membicarakan dan menentukan.

Tetapi jumlah harga tuntutan yang dibicarakan tidak boleh lebih daripada \$10,000.00 atau tiada boleh dinilai atau dihargai.

5. Keputusan atau hukuman Kadi Besar atau Kadi tiada boleh sekali mengenai Mal milik orang-orang kafir.
6. Satu pun tiada yang ada didalam undang-undang ini boleh mengenai kuasa Mahkamah Mal jika ada berlawanan oleh sebab berbangkit daripada keputusan Mahkamah Kadi Besar dan Mahkamah Kadi atau keputusan Mahkamah Mal menjatuhkan hukuman didalam kuasanya keputusan Mahkamah Mal hendaklah dipakai.

PENDAPAT PENULIS

Enakmen ini telah dibuat dan dilaksanakan daripada tahun 1952 didalam negeri Selangor sebelum tertubuh Wilayah Persekutuan dan telah diubahsuai daripada Perintah Wilayah Persekutuan 1979 sehingga tahun 1984 telah dipinda pada seksyen (45) Kuasa Jenayah Mahkamah Kadi daripada sebulan penjara dan denda seratus ringgit kepada tiga bulan penjara dan \$500/- denda.

Demikian juga kuasa Mal Mahkamah Kadi daripada \$1,000/- kepada \$10,000/-. Sebab itu dalam Kes Mal Mahkamah Kadi tidak dapat menjalankan perbicaraan didalam tuntutan Mal yang bernilai sebelum ini, kerana kuasa yang ada di Mahkamah Kadi terlalu rendah, maka tiada berupaya melaksanakan undang-undang itu. Selepas tahun 1984 baharulah kuasa Mahkamah Kadi berupaya menjalankan fungsinya. Tetapi keadaan telah berubah kerana nilai tuntutan di Mahkamah telah meningkat berpuluh puluh ribu ringgit. Sedangkan kuasa Mahkamah Kadi Besar didalam jenayah ialah penjara lebih tiga bulan sehingga enam bulan dan denda sebanyak \$1,000.00.

Didalam kuasa Mal Mahkamah Kadi Besar ialah \$10,000/- keatas sehingga tidak ada hadnya.

Memandangkan keadaan alam sekeliling telah berubah daripada masa ke semasa maka enakmen ini tidak lagi dapat menampung keperluan masyarakat Islam sebagai undang-undang yang boleh memberikan perkhidmatan yang sempurna kerana ia telah begitu lama tidak berubah sedangkan masyarakat dan negara telah jauh berubah daripada yang ada didalam enakmen.

Seperti seksyen 130 pemberian kepada isteri yang telah diceraikan mengikut mazhab Imam Syafie mutaah itu adalah wajib sebelum bersatu atau selepas bersatu. Maka istilah pemberian tidak kena pada tempatnya. Sepatutnya tuntutan hak isteri terhadap suami yang telah menceraikan isterinya dengan sah.

Oleh itu apa yang saya dapat fahami daripada undang-undang ini ia telah ketinggalan jauh sekali, berbanding dengan setengah-setengah negeri lain yang telah pun mengubah meminda dan memperbaharui undang-undang ini kepada yang lebih lengkap dan baru, yang dapat menampong keadaan yang ada.

Masa Tuntutan diBuat

Sebelum Mahkamah menerima sebarang tuntutan, hendaklah menentukan alamat tempat tinggal terlebih dahulu, misalnya di Mahkamah Syariah Wilayah Persekutuan, bermakna semua orang yang menuntut mesti tinggal menetap didalam Wilayah Persekutuan, kerana peruntukan Enakmen Pentadbiran Hukum Syarak Wilayah Persekutuan hanya boleh membicarakan mana-mana orang Islam yang tinggal menetap dalam Wilayah Persekutuan saja (S.45) (1).

TUNTUTAN MUTAAH boleh dibuat melalui dua proses:

1. Boleh menuntut terus ke Mahkamah Syariah (S.76)
2. Melalui wakil (peguam) (S.50)

1. TUNTUTAN TERUS KE MAHKAMAH

- a. Yang menuntut hendaklah hadir sendiri ke Mahkamah berjumpa Ketua Mahkamah atau Pendaftar (S.51)
- b. Yang Menuntut menulis tuntutannya sendiri atau ditulis oleh Ketua Mahkamah atau Pendaftar (S,76.1)
- c. Tuntutan hendaklah mengandungi nama, alamat orang Yang Kena Tuntut dan butir-butir tuntutan yang dikehendaki. (S,76.2)
- d. Yang Menuntut hendaklah menyenaraikan surat-surat bukti, dokumen-dokumen yang berkaitan dan surat cerai (S,76.2)

- e. Setelah tuntutan ditulis dengan lengkap, tuntutannya hendaklah dibaca sendiri atau dibacakan oleh Ketua Mahkamah atau Pendaftar setelah berpuas hati, hendaklah ditandatangani oleh Yang Menuntut di hadapan Pendaftar atau Ketua Mahkamah. (S,78.1)
- f. Tuntutan yang bertulis juga hendaklah dicop meteri Mahkamah dan ditandatangani oleh Ketua Mahkamah atau Pendaftar. (S,48.2)
- g. Yang Menuntut hendaklah membuat pengakuan ikrar dihadapan Ketua Mahkamah Atau Pendaftar dengan mengisi kan butir-butir, seperti nama alamat dan sebagainya dalam borang ikrar. Sebanyak tiga (3) salinan dan ditandatangani di hadapan Ketua Mahkamah atau Pendaftar (S,53.2)
- h. Tiap-tiap tuntutan hendaklah dibuat dalam:-
 - i) Tiga salinan borang saman.
 - ii) Tiga salinan surat akuan ikrar.
 - iii) Tiga salinan tuntutan.
- i. Yang Menuntut hendaklah mengemukakan nama sekurang-kurangnya dua orang saksi lelaki selain ibu atau bapa yang diharuskan mengikut hukum syarak (S,53.1)

Tuntutan yang lengkap hendaklah difailkan dalam Mahkamah dan didaftarkan dengan bayaran sebanyak \$9.00. Setiap seorang saksi dikenakan bayaran \$0.50 sen. Mahkamah memberikan nombor kes dan menetapkan tarikh sebutan atau perbicaraan. (Peraturan 4)

2. TUNTUTAN MUTAAH MELALUI WAKIL (PEGUAM) (S,50(5.1))

- a. Tiap-tiap tuntutan melalui wakil (Peguam) orang yang Menuntut hendaklah berjumpa peguamnya dan mengemukakan tuntutannya sendiri.